

欽定剿平三省邪匪方略

欽定剿平三省邪匪方略正編卷二百十三

壬戌年

四月二十一日

辛酉

額勒登保奏言

臣

於初五日

接據楊遇春扎克塔爾報稱苟逆賊匪被剿之

後大夥由朝陽坪折竄楊泗廟尙有零星賊匪

於後路林箐中伏匿扎克塔爾格布舍帶領馬

步官兵星馳追剿楊遇春李應貴帶領後隊兵

勇沿途搜剿而進初四日未刻扎克塔爾等前

隊趕至中板房桃園溝距賊不遠賊匪又分股
向蓆子溝油磨山老林竄逸扎克塔爾格布舍
將前隊分爲數路入林搜剿馬隊沿山截擊斬
獲七八十人楊遇春帶兵於响洞溝一帶老林
內亦搜獲賊匪二十餘人差弁飛探賊蹤有由
平安寨大茨溝折竄秦嶺之勢遂於初四日連
夜商令格布舍李應貴率同侍衛傅陞叅將李

應元李東宣祝廷彪等帶領兵勇赴平安寨長溝設伏扎克塔爾率同侍衛彥丕勒副將張琰遊擊劉元明蒲佑盛等帶領兵勇赴茨溝福安寨截殺楊遇春帶同侍衛噶拉金保副將應元寬蕭福祿叅將吳廷剛等往來策應格布舍李應貴等於初更時甫抵平安寨果遇賊匪竄至於黑暗中奮力截殺斬獲數人賊衆亡命衝突

我軍復奮力掩殺遊擊祝廷彪見有執旗賊目
卽衝入賊羣持刀砍殺猝中賊矛戳傷頸右兵
勇等奮力向前救護當將執旗賊目戮斃搶獲
旗幟上書先鋒苟文清餘賊尙在抗拒我軍刀
矛並舉衝殺數刻賊由茨溝逃遁正與扎克塔
爾一路官兵相遇斬獲十餘人賊匪由南溝遁
去時已五更楊遇春格布舍亦帶兵趕到遂鼓

勵官兵跟蹤追剿至初五日午刻沿途又擒賊
五六十名賊匪敗向東峪河奔竄兩晝夜之內
連次接仗共計兵勇割獻耳記一百餘副生擒
賊匪六十四名當將從逆日久之曾紹禹等三
十名正法其餘係被脅未久之人卽予釋放賊
匪自剿潰之後竄入東峪河茨溝等處該處山
勢綿長盡係荒林密箐該匪旣畏我軍白晝進

攻復畏我軍乘夜掩擊日間於山巔屯聚瞭望
夜間於林內零星散處並於夥內分出一二百
人條向東遁條向西趨意在牽綴官兵乘間遠
竄官兵等或分路兜圍或設伏截擊連次斬獲
十餘人至二三十人不等初十一等日楊遇
春由兩河顧定西面扎克塔爾由八里坪顧定
北面步步逼進該匪不能存住於十二日向腰

竹嶺奔逃有向南趨之勢楊遇春仍於西面防
其折竄扎克塔爾緊躡賊蹤追剿於十二日晚
間趕抵油房溝暫行劄營是夜賊匪二三百人
由老林潛出偷撲營卡我兵鎗箭齊發將賊擊
退兵勇復乘勢出營趕殺藍翎侍衛長安鎗斃
執旗賊目一人復帶兵勇十數人衝入賊羣被
賊矛戳傷陣亡兵勇亦傷亡數名賊匪仍折向

油房溝逃竄天明時察看殺斃賊屍十四具遺棄刀子數十件該匪現竄入青草山分投藏匿

臣

現由江口月河進抵腰竹溝卽督飭楊遇春

札克塔爾等三路合剿或深入險阻設法殲除或仍逼向東南併力趕辦務期卽行殄滅至總

兵楊芳前由庫峪一帶斬獲劉永受股匪臣於

十二日途次接見該鎮據稱該匪被剿之後尙

有餘匪四十餘人初八日由澧峪竄至觀音山
又經守備黨聯陞帶領兵勇追及殺賊二名賊
匪滾巖跌斃數名現仍督率官兵分路趕剿

臣

已面飭該鎮速將餘匪掃除淨盡卽督率大隊
兵勇於大莊坪光頭山嚴備苟逆竄向西北之
路刻下苟逆勢已窮蹙四面有兵剿辦無慮稽
滯至日前竄入寧羗之張魏餘匪四五百人經

慶成等於棧道一帶抄截業由黑河竄入兩當
境界現有道員朱爾漢帶領兵勇在兩當虞關
防剿而該處山林較小兵力易施慶成當必督
率兵勇就地殲除不致越棧東竄

同日惠齡奏言

臣

至澗峪口接准提督慶成來

信初三日都司張起鰲守備李如緒等趕至鳳
兩交界之大陽山正遇張魏賊匪北竄當卽奮

力衝擊自未至戊攪殺數次殲斃賊匪一百餘
人生擒五十三名適遊擊李朝顯接應之兵趕
到併力衝殺又斃賊三四十人生擒三十一名
搶獲賊旗鳥鎗長矛騾馬甚多餘匪不滿三百
人始紛紛向西南一帶老林逃遁慶成仍督率
張起鰲等跟蹤搜剿又接據鞏秦階道朱爾漢
遊擊七十九等來稟張魏股匪被慶成剿敗後

復翻山西竄南家渠朱爾漢等帶領兵勇於初
四日黎明趕至該處賊匪屯聚山上用石滾打
兵勇間有傷亡馬兵楊開泰被石打倒翻身復
起冒石先登兵勇隨後一齊撲上賊匪始形慌
亂我兵乘勢衝殺立斃賊匪五十餘人滾崖跌
斃十餘人逃出難民男婦二十一名口當卽釋
放回家餘匪分兩股奔逃兵勇亦分兩路追趕

殲斃賊匪三十餘人逃出難民十二名餘匪奔
向四寧川該處僅有一綫礮路賊匪自相擁擠
落崖跌斃者四五十人餘匪卽竄入羅家山老
林官兵現仍尋蹤搜捕此股賊匪窮蹙已極諒
可就地掃除至苟宋大股之賊經官兵連次剿
殺復折竄西北茨溝腦老林藏匿我兵連日入
林轟擊該匪又翻山逃向東南火地一帶扎克

塔爾楊遇春現由東西北兩路向南逼剿額勒登保亦由滂峪八里坪一帶進兵日內必又與之接仗其劉逆餘匪僅有數十人經楊芳督率兵勇隨處搜捕節有賊擒臣以此等零匪不

值牽綴大兵飭令楊芳酌撥兵勇三四百名分投搜捕楊芳自帶官兵緊顧東北協剿苟宋賊股臣仍在滂峪一帶督搜劉逆零匪兼防苟宋

大股折竄均奏入

上命軍機大臣傳諭額勒登保曰此次苟逆一股經官兵連次剿殺勢已窮蹙乃復竄入東峪河茨溝等處老林藏匿扎克塔爾楊遇春格布舍等分投緊躡雖斬獲無多而晝夜奔馳實已不遺餘力朕亦不忍再加催促此時額勒登保由江口月河進抵腰竹溝督飭楊遇春扎克塔爾等三路合剿務

將賊匪轟出老林併力趕辦至伊等節次所奏打仗情形只稱鎗箭齊發並未見用礮轟擊山林之內利用火攻賊匪既恃老林爲窟穴當此四面有兵圍逼之時或用大礮擊打或拋擲火彈較之鎗箭自更得力額勒登保何以未經籌計及此或因軍營火藥未能充足耶現已降旨諭知惠齡如軍營需用火藥卽令多爲預備以便取用此朕籌慮

所及隨時指示額勒登保可試行之若實係限於地勢火攻無益亦不妨據實覆奏也再遊擊祝廷彪於打仗時見有執旗賊目卽衝入賊羣持刀砍殺猝被賊矛戳傷殊屬奮勇著額勒登保存記遇有叅將缺出卽行陞用所有打仗被賊戳傷陣亡之藍翎侍衛長安著咨部賜卹

上又命軍機大臣傳諭惠齡曰張魏餘匪經張起鰲

等連次剿殺已不及三百餘人復經慶成朱爾漢
等截殺又斃賊一百七十八人所剩無多諒可卽
日剿辦淨盡惠齡一得此股辦完之信卽由驛馳
奏以慰廑注再本日據額勒登保奏苟逆股匪竄
入老林復分出一二百人倏東倏西牽綴官兵實
爲可恨此等賊匪與其祇用鎗箭擊射何如施放
大礮轟打或拋擲火彈焚燒已降旨諭令額勒登

保酌量辦理如軍營火藥不敷應用惠齡卽趕緊
多爲製備候頒勒登保調取時卽源源運往勿令
缺乏再摺內所稱馬兵楊開泰被賊匪用石打倒
翻身復起冒石先登殊爲奮勇可嘉著惠齡存記
遇有應行拔補缺出量加鼓勵

同口德楞泰奏言

臣

前在巴東之馬寨督兵東

下擬將大小峽青灘之冉井二逆先行剿辦旋

據哨探守備史定川等拏獲探事賊匪譚有進
劉必文二名到營訊據供稱在樊掌櫃營內充
當步探頭營裏兩個老掌櫃是樊人傑戴四四
個元帥是王國賢曾芝秀崔宗和胡明元男婦
大小有二四千人馬騾五六百匹由陝西平利
折回到竹谿竹山走房縣之灣腰樹扇子壩進
了南山沿途零星合夥又破幾個峒寨如今有

五六千人要去歸州興山一帶找藍號蒲元帥
同下東湖穀城到襄陽去我來探聽有無官兵
不想就被拏住又稱唐明萬一股六七百人還
在堆子山裏等語當將該二犯正法

臣

查樊戴

王曾崔胡等逆狡猾異常數年來善於避兵現
又東竄其勢必與蒲添寶一股合夥設被直趨
襄樊所關匪細雖已飛咨吳熊光長齡等酌分

兵力緊顧東面恐其緩不濟急我兵若由興山
取道建陽坪自西北趕赴東湖之霧渡河卽可
顧住東面又可迎頭截剿但恐該逆聞風折竄
當派守備史定川等帶領鄉勇一百名令其尾
躡賊蹤夜間多燒號火遙爲大兵追趕之勢

臣

卽傳令將弁兵勇裹帶兩日口糧輕騎滅從不
分日夜星馳趕往抄截儘兵馬之力計兩日一

夜行走三百餘里於十一日戌刻抵霧渡河業已抄出樊逆之前旋據探報蒲添寶股賊現在代峯一帶屯聚距營八九十里係在我兵之南樊戴崔胡股賊由白雲寺觀音閣東來亦於是日屯於杉木嶺大岔河一帶距營五六十里係在我兵之西是官兵已居兩股賊匪之中該逆勢不能合正擬乘夜發兵進剿蒲添寶股匪知

官兵已抵霧渡河連夜由新坪折竄燈明油坪
一帶樊戴王曾等逆又北竄東湖與山界上之
王爺廟因卽酌量就近先剿樊戴等逆是夜三
更發兵十三日辰刻兵至天竺山探得前面雞
公梁山上有賊匪數百人往來搖旗其山後有
空寨一處亦藏有賊匪又山左右溝內各有埋
伏臣查看雞公梁山勢陡險溝深路窄馬力難

施該逆欲誘我兵衝殺則左右溝內埋伏之賊
即可在官兵之後三面環攻臣當派蒲尙佐副

將達自祥叅將何君佐等帶兵勇一千人囑其

扼據左右溝口不必進剿使賊不能衝出臣酌

分兩路大兵攻搶賊所佔踞之雞公山梁左一

路派令賽冲阿馬瑜帶領侍衛富僧德協領穆

騰額等右一路派令溫春色爾滾侍衛蘇爾仲

珠爾杭阿等各帶馬步兵勇進發該逆一見我
兵分投競進卽吶喊搖旗推滾亂石放鎗抵禦
官兵不避鎗石徐徐而上進至第二層山包距
賊不遠該逆亦分兩路下壓我兵鎗箭齊發立
斃賊匪二十餘人賊勢稍退臣催令兵勇乘勢
又搶上第三層山包山後埋伏之賊與寨內藏
匿之賊一齊突出蜂擁而來與官兵攬殺一處

刀砍矛戳鎗擊箭射斃賊匪一百一二十名生
擒劉應儒等一百零六名賊遂潰敗分爲三起
向張家溝黃家灣旗杆嶺奔竄官兵分投追趕
至山竹坪石窰壩建陽坪鑼錫坪七八十里不
等沿途又共殺賊二百餘名擒獲賊匪鄒先發
等二百二十一名滾崖而死者約有一百多人
先時蒲尙佐等見雞公梁山上之賊大敗卽進

溝剽殺埋伏之賊共殺賊五十餘名生擒張光
雲等三十七名連耳級一併呈繳前來計此次
共殺賊五百餘名生擒賊匪三百六十四名搶
獲馬騾一百四十一匹頭火鎗二十一桿刀子
四百餘件大小賊旗五十七面隨令獲犯於各
犯內指出賊目僞先鋒劉應儒僞總兵熊方杰
王洪柱旗首田三元李承奉探馬頭張光雲李

文貴等七名其餘吳先貴等俱係精壯戰手並無婦女幼孩訊據劉應儒熊方杰等僉供樊掌櫃王元帥要我蒲添寶合夥過襄陽樊城一帶探得四川大兵把霧渡河去路截住惟雞公梁山高溝窄馬兵不能得力就挑了精壯戰手山上派了一千二百人是王元帥督陣兩邊溝裡伏了八百人原想官兵深入三路動手不料官

兵攬殺利害我就被拏等語訊明後將劉應儒等七犯臠割處死其餘吳先貴等三百五十七

名一概正法

臣

正籌蒲添寶賊股無兵剿辦適

據報總兵孫清元吉林泰於十二日已抵水月寺並長齡已由遠安北湖頭自東而來是刻下

東面已有兩路重兵扼據

臣

卽飛咨令其就近

探剿惟樊逆等被剿奔逃或東或西均未可定

臣擬卽督兵窮其所向務期剿洗淨盡上慰

聖懷再查此時樊戴王曾崔胡及蒲添寶股匪人數
稍增賊股互異緣係從前剿殘餘孽日久滋蔓
裹脅日多又聚成大股核其情勢真賊原本無
幾但非趕緊剿殺則被脅難民無由乘空逃出
遂至久假成真於剿辦終爲可慮又探得熊劉
一股賊匪近有二千餘人聞臣帶兵東來竄出

巴東陳家坡已入川境其川省南岸習教之人
伏而未起者原屬不少臣前令夔州府知府方
積繕發告示多張設法消弭此次臣過夔州據
該府面稟恭錄

恩旨剴切曉諭查有巫山之商民王瑞原本習教人
極明白能事素與利川恩施建始巴東等處之
人貿易往來熟識深爲信服該府密傳到署曉

以大義面爲獎賞令其宣示

皇仁通行勸導該商民感激歡欣已應諾而去看來

可以得力至勾結之事以樊人傑王國賢二逆

爲首臣現在惟有將該二逆趕緊擒除北岸一

經肅清即可絕南岸蠢動之心仍抽撥一路遊

兵在於宜歸興巴一帶往來彈壓稽查不但南

北謠傳頓息卽竄近零匪亦可隨時搜剿

同日勒保奏言查中河前河一帶尙有剿散各
號餘匪往來潛匿臣飭催各鎮將趕緊搜捕旒

探得砲通山一帶有賊匪二三百人在彼奔竄

臣當卽飛飭田朝貴帶兵由冲天漕石滾坪一

路兜截達斯呼爾岱羅聲臯等各帶官兵由樊

噲店土黃壩一路迎擊初七日辰刻田朝貴行

至板鞍子地方賊匪已翻山奔竄田朝貴帶同

叅將張明德遊擊王忠柱薛陞等率領官兵探
蹤跟追至黃山不嚴趕及賊尾兵勇緊躡追殺斃
賊十二名生擒三十四名該匪等亡命狂奔向
華尖壩沿河鼠去適逢斯呼爾岱羅聲臯等一
路官兵亦於是日趕抵華尖壩正遇該匪紛紛
淌渡達斯呼爾岱羅聲臯卽帶領遊擊胡定邦
都司馬建廷邱鳳沙等分領官兵跣水渡河追

捕殺斃賊三十餘名生擒三十二名賊匪洶渡者見兩岸皆有官兵不敢登岸復淹斃三十餘名餘匪未及搶渡者卽鑽越林箐四散奔逃當經副將海常叅將滿鳳來等各帶兵勇分投追捕殺賊六十餘名生擒五十九名該鎮將等各將所擒活賊解送前來臣當加查訊究出僞先鋒馬金保黃現文僞總兵周明禮並僞千總徐

士俸旗手向國良張上科探馬頭王起萬及戰
手蔣添仁等七十九名分別正法新被裹脅附
近難民向之春等三十八名取保省釋又拏獲
湯思蛟之弟湯思武一名訊明止十二歲年齒
尙幼暫交達縣監禁俟軍務完竣後再行核辦
再此次官兵淌渡追賊有黑龍江領催部委曉
騎校桑保住一員及兵丁李元龍等三名被水

淹斃另容咨部辦理其田朝貴一路官兵追賊
至華尖壩知前股賊匪已經達斯呼爾岱等接
手剽淨當卽移兵轉回五寶場豐城一路途次
探得翊馬坪蔣家灣等處有賊匪二百餘人在
彼奔竄田朝貴卽與遊擊羅思舉各帶兵勇分
路抄截田朝貴從雲霧寨一路取道羅思舉從
老君場一路取道初九日田朝貴帶兵行至石

人山趕上賊尾鎗砲齊發殺斃賊匪三十餘名
生擒十四名餘匪向金鷲寺姚家壩一路奔竄
正遇羅思舉帶兵從磨盤埡抄出迎頭相值復
斃賊十餘名生擒五名該匪卽折回羅家坪楊
柳坪等處竄去田朝貴羅思舉兩路官兵追剿
百餘里沿途復有斬獲計此次剿賊共殲斃六
七十名生擒四十四名訊明均係戰手概行正

法至張志林一路官兵前在梁山地方將白號
零匪一股剿敗後該匪尙剩二百餘人張志林
帶兵探蹤追躡行至新寧所屬之龍王山迫及
賊尾賊匪向林箐竄走張志林率同遊擊門繼
春程元龍晉之璉等分路追捕殺斃賊匪三十
七名生擒活賊十名張志林當加查訊此股俱
係藍白二號打散餘匪並無首逆在內卽概行

正法餘匪尙有百餘人現在竄入栢林漕四處

藏匿

臣

現飭張志林會同辦理團勇之知府趙

秉淵督率團寨上緊搜捕務期淨盡至張魏餘

黨顏中考魏洪升等殘匪一股約二百餘人被

劉清追至廣元邊境適有鮮姓零匪一股合夥

共有四百餘人竄至寧羌地界當經慶成截殺

該匪折向寧廣交界之關壩適豐紳帶兵抄出

神宣驛會合劉清在彼堵截該匪不敢折回川
境仍向陝境煎茶嶺一帶竄去現經慶成一路

官兵在彼接手剿辦

臣

復知會豐紳劉清等暫

在廣元邊境防堵又大寧一路近有賊匪一股

約二三百人由楚省竄來卽分股向奉節雲陽

地界奔竄

臣

已飛飭達勒精阿武隆阿等在奉

節一帶就近剿辦並飭張績帶兵向雲陽探蹤

迎剿毋任該匪深入腹地現在川境餘匪日剿
日少統計不及千人惟湯劉二逆尙無蹤跡其
餘賊目張簡宋國品等零星四散在前後中三
河一帶往來分竄條東條西必須四路搜捕方
能淨盡臣現仍在東鄉扼要駐紮督催各鎮將
趕緊分投辦理再臣准陝西撫臣陸有仁來信
以寧羗州駐紮官兵鄉勇每月需糧甚多加以

經畧及各路征兵臨境不免益形支絀四川係
產米之區可否撥大米一二萬石運貯寧羌以
資協濟等因

臣

查陝省正當軍務喫緊之時且

經畧大兵在境供運浩繁理應不分畛域通融
籌辦當卽飭司查議去後茲據藩司楊揆等議
稱川省軍興以來川東川北州縣已無存穀近
年所用軍米均由川西川南州縣碾運供支今

既據陝省需糧應仍請在川西南完善州縣酌
動倉穀二萬石碾米一萬石運陝協濟

臣

卽飭

照所議迅速碾運惟查川省西南各州縣距陝
境較遠若由陸路轉運脚價浩繁惟有令西南
近水州縣用船裝載運至重慶卽由嘉陵江溯
流而上運赴保寧再由保寧河轉運朝天關其
路皆一水可達運費較爲節省至朝天關以上

卽入陝境所有運至朝天關之運脚卽歸川省
給發核銷其朝天關以上之運脚應歸陝省給
發核銷以免彼此牽混

同日吳熊光奏言查樊會各逆昨經提臣長齡
與總兵孫清元吉林泰等由西北台口金斗坪
等處分路抄截該匪不敢逸出北面腹地遂於
九道梁翻越老林竄至歸州水田壩探聞川省

大兵入楚旋折由興山邊界向古城一帶狂奔
並據探報川匪唐熊劉各逆及青號王姓餘匪
由鋸鋸嶺北竄希圖直入房保大路又據興山
縣知縣朱宗騰稟報陳蒲井冉各逆分股在秀
水上下二台往來游奕又分出黃號餘匪攻撲
忠保寨經該縣率領各寨健勇擊追殲斃賊匪
十餘名又黑虎寨首領彭光案等糾同寨勇暗

伏溝內截擊樊會分股零匪殲斃十餘人生擒
偽先鋒沈名世一名餘匪向平邑口竄去拏獲
各犯審明後均卽正法又川省拜佛坪竄來一
股賊匪攻撲巴東葉子壩卡隘經知府尹英圖
帶領兵勇擊退臣查南路各股逆匪賊數較衆
俱在興歸一帶離古城不遠與樊會各逆有會
聚合夥之勢必得厚集兵力方能悉數掃除適

接叅贊德楞泰來信初九日已抵興山遵

旨先辦樊曾等逆查德楞泰所帶勁兵自西而來聲

威壯盛孫清元吉林泰由水月寺自北而南長

齡亦抄赴重馬二坪包截東路目下三路官兵

已聯犄角之勢實屬極好機會至鋸鋸老山北

竄股匪若走彎腰樹卽可直達房縣此時房保

一帶防守空虛

臣

已札商德楞泰長齡飭令副

將孫應奉張觀濤回至房保以資攔截設或該
匪西竄二竹現有總兵李天林帶兵在竹谿搜
捕零匪並穆克登布在平利境上堵截更可兩
面夾擊迅速剿除至興歸一帶狡猾賊衆總恃
老林爲穴窟其所以不敢竄出平原者皆懼東
三省馬隊弓箭之故查長齡孫清元吉林秦等
所帶馬兵經年入山往來馳逐馬匹多有疲乏

應行抽換

臣

業於河南採買健騾一百頭又於

襄鄆所屬就近採買臙壯土馬二百匹已分撥
各營以資馳騁現在川楚兵力聲勢壯盛似可
尅期蒞功上紓

聖恩至日下軍需餉項稍形支絀合無仰懇

聖恩俯准於隣近省分或於關稅項下預行

賞給銀四十萬兩連本省藩庫項下撥銀十萬兩共

漢三十四身皇朝卷三十三
三十三
銀五十萬兩以資接濟均奏入

上命軍機大臣傳諭德楞泰曰德楞泰奏樊戴等逆
股匪田房縣竄至興歸思與蒲添寶一股合夥德
楞泰率官兵晝夜星馳追行三百餘里截斷會
合之路抄出賊前復分兵兩路仰攻所踞山梁不
避鎗石並衝山後斬獲甚多賊匪潰散四竄官兵
分投追趕共殺賊五百餘名生擒偽先鋒劉應儒

及大小頭目等共三百六十餘名殊屬奮勇可嘉
著賞給德楞泰黃辮大荷包一對小荷包四個鑲
玉帶頭一個日圭一個並發去玉搬指十個搬指
套十個花磁鼻烟壺十個分賞此次在事出力將
弁又一兩重銀牌一百面五錢重銀牌一百面分
賞此次出力兵丁以示獎勵統俟剿淨焚戴等股
捷音到時再沛恩綸厚加懋賞樊人傑一犯爲首

先起事兇逆數年來輾轉奔逃又復暴脅多人肆
行荼毒實屬罪大惡極德楞泰注意剿辦務將該
逆趕緊擒除所見甚是現據察看該逆一股本有
四千餘人此次復經官兵擒殺幾及千人殘匪不
過三千餘人德楞泰惟當乘此勝勢督率官兵先
將樊人傑等大股賊匪迅速殲除方爲正辦但該
逆被剿奔逃知東面有兩路官兵自不敢闌入襄

鄭一帶勢必又向西南竄往川境刻下川省零星
餘匪祇剩一千餘人指日即可肅清乃現在熊劉
二逆股匪竄入已增多二千餘人倘樊戴等股匪
再入川境沿途裹脅豈不復形滋蔓雖靖楚而復
擾川仍不過東奔西竄迄無成功殊屬不成事體
德楞泰當趕緊設法就地撲滅毋令再竄入川辦
理又致費手至所稱賊匪原本無幾但非趕緊剿

殺則被脅難民無由乘空逃出遂至久假成真等語所見甚是朕所深慮者在此至川省南岸伏而未起之賊原難保其必無此次德楞泰告知方積恭錄恩旨多張告示曉諭民人並令原本習教之商民王瑞面行獎賞宣示勸導所辦亦甚妥協總之此等奸民多係乘機起釁德楞泰若將樊人傑等股迅速殲淨縱有伏而未起之賊亦必自行解

散又何患久假成真耶勉之望之

上又命軍機大臣傳諭勒保曰此次青白二號餘匪復經達斯呼爾岱田朝貴張志林三路官兵分投剿殺共殲賊二百四十餘名生擒二百餘名並生獲僞先鋒馬金保黃現文僞總兵周文禮及湯思蛟之弟湯思武賊勢益形衰敗所辦尙好看來川境餘匪日剿日少據勒保稱統計不及千人固屬

確實但近日楚省邊界匪徒竟有六七千人設被
德楞泰趕剿難保其不由大寧巫山等處入川此
時勒保惟當督飭達斯呼爾岱等各路官兵乘勝
剿殺并飭地方官督率團寨幫同搜捕務期剿除
淨盡切勿稍留餘孽至湯劉二逆前次隻身奔竄
之後至今未得蹤跡務須督飭鎮將嚴加搜捕每
遇擒獲活賊時詳悉根究一有確實信息卽上緊

擒拏斷不可令其漏網至摺內稱大寧一路近有
賊匪一股約二三百人由楚省竄來分股向奉節
雲陽地界奔竄現在飛飭達勒精阿等就地剿辦
等語而本日德楞泰所奏楚省熊劉一股賊匪自
德楞泰東來之後竄出巴東陳家坡已入川境共
有二千餘人其數不少看來此時德楞泰移兵赴
楚後其川楚邊界游奕各匪又多思逃匿入川不

但熊劉一股勢已東竄卽將來樊人傑股匪經官
兵剿急後或亦思折竄入川均未可定勒保須預
爲籌備川東一帶甚關緊要現在該處防守鎮將
無多勒保一面飭令上緊堵截一面或再酌派將
領前往幫辦設遇有竄入賊匪務須就地殲淨其
未經竄入之賊尤須設法防禦不可使一名闖入
爲要又據奏籌撥川米一萬石運陝協濟所辦甚

好陝省現當軍務喫緊之時需糧甚多勒保接到
陞有仁知會後卽飭令楊揆於川省完善州縣內
酌動倉廩碾米一萬石運往協濟以此通融籌辦
不分畛域洵屬可嘉卽日大功告成後不但勒保
優加懋賞卽楊揆亦當一體加恩至此次黑龍江
領催驍騎校桑保住一員及兵丁李元龍等三名
雖祇係被水淹斃但究因追賊淌渡自應照陣亡

例議卹著勒保咨部辦理

上又命軍機大臣傳諭吳熊光曰吳熊光奏楚省現在南路各股逆匪賊數較衆俱在興歸一帶與樊曾各逆有會聚合夥之勢必須厚集兵力方能悉數掃除現在德楞泰已抄出賊前大獲勝仗將樊曾王戴等逆大股賊匪痛加剿殺殲擒八百餘人想吳熊光尙未得信又能剷一股賊匪據吳熊光

探得由鋸鋸嶺北竄希圖直竄房保大路茲據德
楞泰奏稱該匪已竄出巴東陳家坡折入川境等
語現已諭知勒保嚴密堵截矣又楚省餉銀除藩
庫項下准其動用十萬兩外並諭知顏檢撥豫省
存貯備撥銀二十萬兩張誠基撥江西地丁銀二
十萬兩俱迅速解楚備用該省得此五十萬兩餉
銀更爲充裕現在德楞泰正在督兵剿賊喫緊之

際所有軍營應用糧餉吳熊光務當飭令承辦之
員源源供運卽或德楞泰追剿賊匪至川楚交界
地方川省糧運未能趕到楚省糧員亦當隨時接
濟俾得士馬飽騰迅奏膚功以慰厯注

上又命軍機大臣傳諭顏檢張誠基曰現在湖北省
需撥餉項著傳諭顏檢卽於浙江廣東及各關解
到豫省存貯銀兩內動撥二十萬兩張誠基於江

西秦撥地丁項下動撥銀二十萬兩解赴湖北交
吳熊光收貯備用

欽定剿平三省邪匪方略正編卷三百十四

壬戌年

四月二十六日

丙寅

陸有仁奏言連日復據探報

苟逆股匪竄至鎮安石門溝譚家山一帶經楊
遇春扎克塔爾等合兵截剿擒獲頗多嗣楊遇
春追至洵陽壩又得勝仗賊隨由金雞河竄至
盤屋田峪一帶楊遇春等分路兜擊經畧額勒
登保移兵至潞峪一帶相機堵剿永受股匪

竄至庫峪甘花石一帶經總兵楊芳節次截殺
所剩餘匪無多卽日可期淨盡又張魏餘匪一
股由甘省兩當屬之後川竄至西溝峽一帶經
慶成前敵遊擊李朝顯都司張起鰲帶兵趕到
截殺多名賊匪遂由畧陽金池園一帶東竄現
在李朝顯等躡尾追剿慶成帶兵馳至九子溝
鐵爐川一帶以扼賊匪竄出棧道之路又川省

零匪一股約百餘人竄入西鄉之鹽場壩一帶
經縣丞李晶督率寨勇王大智等擊殺數名賊
卽竄入太平境內並另有一股百餘人由通江
竄至巴山老林現經委員易萬里徐霖等鼓勵
寨勇協同總兵富蘭搜剿臣查苟逆股匪自竄
入南山官兵總未得手今賊鋒已挫兼之楊芳
日內剿淨劉逆殘匪又可騰出一路兵力前往

協剿諒不致仍前棘手至張魏餘匪現雖向東
折竄慶成已抄出賊前毋虞竄越其平利等處
邊界總兵穆克登布防堵嚴密如川楚賊匪不
復竄入則陝省止此苟逆等股一經得手指日
卽可肅清奏入

上命軍機大臣傳諭陸有仁曰陸有仁奏川省零匪
一股約百餘人竄入西鄉之鹽場壩一帶經縣丞

李鼎率勇迎擊賊卽竄入太平境內並另有一股
百餘人由通江竄至巴山老林經委員易萬里等
協同總兵富蘭搜剿等語此二股零匪係由川匪
何股分出是否有賊目在內今旣奔竄滋擾該撫
卽當飭催該縣丞及委員等認真堵剿勿令蔓延
爲要此時陝省正當剿辦喫緊之際糧餉最關緊
要該撫惟當源源供運不可稍有缺乏

二十七日

丁卯

慶成奏言

臣

帶兵剿辦魏張股匪

該匪竄至畧陽老林旋又繞出兩當地方經防

堵道員朱爾漢之兵勇截殺折向西奔

臣

自李

家灣帶兵躡蹤緊迫令副將多隆武遊擊李朝

顯都司張起鰲等帶兵抄出西北併力夾擊該

匪竄至黑松店正遇我兵膽敢倚林恃險抵拒

臣

帶兵追至該匪見前後有兵始驚慌亂竄我

兵奮力剿殺立斃三四十名千總馬忠良軍功
李雲生擒張添倫之姪首逆張喜一名訊據供
稱此股係該犯與魏洪升康二麻子顏中考等
帶領來陝伊叔張添倫並不在內實係通江地
方被勒保兵勇殲斃等情所供地方日期確鑿
可據質之所獲活賊亦均昭合維時餘匪分三
四路逃奔出沒者林蹤跡詭譎臣與將弁各帶

身三之者之身三之者
兵勇二三百名裹帶乾糧不分晝夜隨探隨剿
於嶽兩畧沔之間節次殲戮忽聞該匪紛紛由
原路南折捉獲活賊訊知賊衆因經官兵屢次
剿敗張喜被擒顏中考滾巖不見川匪多欲逃
回魏洪升康二麻子商令劉裁縫楊裁縫帶一
百餘人先向南奔引誘官兵追去以便趁此肆
竄等情隨派李朝顯張起鰲等酌帶兵勇緊躡

向南乘勢追殺探得在陝賊匪尚有二百餘人
乘間遁入留壩之紫柏山內該處林箐叢密

臣

分布弁兵扼截老林外各要路令鄉勇兼同附
近寨洞民人入林搜捕軍功周明擒獲偽先鋒
白庸一名又陸續擒獲閩登青等積年戰手三
十七名當將出力鄉勇寨民分別獎賞本月十
五六兩日賊匪或一二十人或二三十人翻越

崖澗潛向東遁

臣

一面督率兵勇入林搜捕一

面挑派將弁赴棧道要隘嚴密捕擒守備任海

外委王進忠帶馬兵趙成龍軍功李雲鄉勇伍

雲等廝至留鳳交界之汪家溝口遙見山溝板

屋上有炊烟門前豎長矛數根知係逃竄零匪

在內遂一擁衝入屋內賊匪突出向後山密林

奔逃不及拾擊器械該弁兵等趕上生擒一賊

餘匪入林散遁又追及戮斃二賊查認獲賊卽
係首逆魏洪升先將首逆押送來營該弁兵等
尙在逐加搜捕臣 訊據魏洪升供認自元年起

事與張添倫等同領匪衆不諱該犯爲積年著
名首逆卽張喜白庸亦係此股要犯均應凌遲
處死惟張喜有查對川省殲斃張添倫一節解
交撫臣 陸有仁訊辦魏洪升白庸二犯現距經

畧一路稍遠督臣惠齡在峪口堵剿隨就近解

交審究查魏張股匪入陝節次殲擒已去大半

其逃遁回川之賊據巡擊李朝顯等報稱與防

剿甘界革鎮胡定泰協力追殺沿途均有斬獲

現過寧羌地方等語茲留鳳一帶老林散匪剿

剩餘匪尙有一百餘人其內並無著名首逆僅

有康二麻子爲頭已成釜底遊魂臣現在多方

鼓勵兵勇並附近寨民併力搜捕不使稍遺餘
孽奏入

上命軍機大臣傳諭慶成曰此次張魏股匪由兩當
折向西奔竄至黑松店慶成帶領將弁兵勇奮力
剿殺斃賊多名生擒張添倫之姪首逆張喜餘匪
二百餘人遁入留壩之紫栢山復經派令兵勇入
林搜緝擒獲偽先鋒白庸及積年戰手三十七名

零匪四散逃竄慶成挑派幹練將弁赴棧道嚴密
搜捕將首逆魏洪升生擒所辦好慶成著賞給四
喜白玉搬指一個鑲藍晶帶板一塊花大荷包一
對小荷包四個並交部議敘其擒獲首逆張喜魏
洪升之守備任海千總馬忠良外委王進忠均著
以應陞之缺陞用軍功李雲馬兵趙成龍鄉勇伍
雲如無頂戴著賞給八品頂戴如原有頂戴者加

一等賞給並發去翡翠玉搬指五個搬指套八個
磁鼻烟壺十個著慶成分賞出力員弁又一兩重
銀牌一百面五錢重銀牌一百面分賞打仗出力
兵丁用示獎勵現在首逆張魏既經擒獲僅有賊
目康二麻子帶領敗殘餘匪一百餘人在留鳳一
帶奔竄勢極窮蹙想顏中考必在其內慶成務當
督率將弁將零匪掃除淨盡勿留遺孽至苟逆一

股前據額勒登保奏稱該逆逃匿老林防其折竄
西北業經飭令總兵楊芳於剿辦劉永受股匪完
竣後帶兵嚴防但恐苟逆被剿緊急乘間向西肆
竄非折回四川卽闖入甘省慶成現在沔畧之間
如遇苟逆竄近卽當迎頭截擊迅速殲擒毋稍疎
縱再川北一帶剿敗餘匪或恐乘間竄陝不可不
防昨據陸有仁奏有川省零匪一股約百餘人竄

入西鄉經兵勇迎剿折回太平並另有一股百餘人出通江竄至巴山總兵富蘭在彼搜捕看來此等餘匪倏陝倏川竟無一定蹤跡慶成亦須於陝境邊界盡力堵剿毋使滋蔓

二十九日

已

勒保奏言查雲陽一帶有由大寧

竄入賊匪一股約二三百人

臣

當卽飛飭總兵

張績帶兵從開縣取道迎剿恐該匪分路四竄

其時張志林正在梁山柏林漕搜山當卽飛札
張志林就近由嵩縣移師探剿十三日張志林
行抵嵩縣所屬鏡子峒探得該匪正從雲陽竄
來張志林卽於是日亥刻帶領遊擊門繼春程
元龍晉之璉都司畢萬年守備周士貴連夜進
發三更後行至陳家壩正與賊匪迎頭相值官
兵鎗箭齊發殺斃賊匪二十三名生擒十四名

搶獲賊旗刀矛等件賊匪乘夜折回白陽寺鐵
鍊橋一路竄走適張績等帶兵由楊家營取道
前來賊匪正在該境山溝內竄走張績卽派叅
將桂涵分帶兵勇先抄上山梁藏伏林內張績
率同都司傅廷標馬明德等帶領官兵從山溝
迎頭截擊該匪一見官兵不敢抗拒慌忙丟棄
騾馬奔上山梁逃竄經桂涵帶領兵勇從林內

突出自上壓下賊匪驚潰亂竄我兵上下夾攻
殺斃賊三十餘名生擒五十二名搶獲賊旗鎗
矛騾馬甚多查訊此起係徐添德陳自得王珊
各股餘匪該鎮等當將先後擒獲活賊交萬縣
轉解來營審辦該鎮等仍分路探剿餘匪十五
日張績行至南門場途次探得有另起賊匪數
十人在附近鳳凰山窟擾張績卽與桂涵就近

帶兵探剿該匪在松林內藏匿張績等卽率官
兵圍住搜捕殺斃賊十八名生擒二十四名並
無一名漏網張績等當將活賊查訊亦係王珊
股內餘黨內有僞干總羅三帶領殘匪四十餘
人潛跡摸樁張績將該匪等一併解營

臣逐一

訊明均係老教戰手當卽概行正法至達斯呼
爾岱羅聲阜等一路官兵自將華尖壩竄匪辦

淨後仍向後河一帶搜剿零匪十三日途次觀音寨探得有賊匪百餘人由青龍觀向瓦房壩竄去達斯呼爾岱與羅聲臯卽分路帶兵乘夜進剿五更時行抵鑼鼓巖探得賊匪正在傅家壩山坡停息當卽分兵進攻賊匪猝見官兵紛紛四竄我兵立斃賊匪二十餘名生擒三十四名又滾巖跌斃十餘名餘匪向梧桐坪龍王廟

等處逃竄我兵分路追剿數十里沿途復斃賊
十餘名生擒三十二名將此起賊匪全數辦淨
查得殺斃賊匪內有賊目偽總兵汪貴一名當
令割取首級其餘賊手石正興等五十三名現
交太平縣轉解臣營候審明分別辦理又探得
清靜碕地方有賊數十人在彼潛匿達斯呼爾
岱當派叅將蕭鳳來分兵搜捕是日三更後行

至官房溝賊匪果在該處巖洞潛藏蕭鳳來乘
其不備分兵四面圍住刀砍矛戮殲斃二十七

名生擒十七名全數掃除並無一名逃逸蕭鳳

來將獲犯轉解臣營臣逐加查訊內有偽總兵

楊成等五名訊據供稱均係湯思蛟股內頭目

其餘十二犯亦俱係老教戰手臣訊明後當卽

分別辦理又田朝貴一路官兵前在馬伏山剿

賊之後適因竹峪關有楊姓餘匪一股竄來田朝貴正帶兵迎擊途次探得巴州隆勝坪地方有零匪數十人潛匿田朝貴當卽就近派令把總馬貴軍功臣成玉段占魁等分帶兵勇前往搜剿殺斃賊匪十二名生擒男婦二十一名餘匪十餘名奪路逃走被兵逼至廟壩河岸洩水淹斃田朝貴當將活賊訊明分別正法其餘係

附近甫經被擄之人卽交該境寨首具保領回
其竹峪關竄入楊姓之賊探有二三百人田朝
貴現在帶兵兜截剿辦又據羅文壩委員顧玉
棟等稟稱三元寨民盤獲賊匪李德先易仕元
二名解送來營臣當加查訊李德先係王三槐
股內偽總兵易仕元係張子聰股內偽千總當
將該犯等凌遲處死原拏寨民分別獎賞自經

臣分派鎮將各路搜捕處處有兵而各鎮將又能臨時酌量情形分撥將弁實力搜尋賊無鼠路官兵日有斬獲賊匪被兵剿急無暇裹脅良民是以每次斬獲皆係老教真賊卽數十人之小股其中轉有賊目多名其積年老賊亦俱乘隙逃出就此光景而論賊勢實已窮蹙萬分統計川省現有之賊不過數百人仰仗

皇上天威不難尅期搜捕竣事

同日吳熊光奏言查樊人傑王國賢等股竄往
興山七連坪一帶翻越老林遁入歸州地界聞
叅贊德楞泰大兵自西而來遂漏夜狂奔向東
湖九山亂竄茲探得德楞泰所帶馬步官兵由
龔家橋白馬灘等處攔截該匪折竄建陽坪雞
公山地方希圖恃險抗拒經官兵搶上山梁殲

斃賊匪及滾崖落淵甚多生擒亦復不少餘匪
向羅古坪遁逃德楞泰督兵緊躡賊蹤亦由羅
古坪跟剿前進並據總兵孫清元吉林泰等稟
報連日由水月寺兼程前進十三日申刻馳抵
霧渡河遙望馬鬃嶺山梁悉皆賊匪因天色已
晚恐墮賊奸計未便進兵隨於霧渡河暫紮戍
刻據哨探報稱賊匪挑集戰手千餘人前來撲

營該鎮等早已預備馬步官兵設伏迎擊該匪甫抵河灘勢欲攻撲吉林泰率領副將朱士奉遊擊烏爾喜訥都可姜元祥等鎗擊箭射該匪抵死不退正在相持之際適副都統銜總管托爾托保侍衛特克昇額叅領華山保等帶領馬隊抄截賊之後路馳射擊殺賊始慌亂潰逃我兵趕殺十餘里共斃賊匪一百餘名生擒十七

名逃出被裹難民甚多搶獲旗幟鎗矛騾馬無
數因夤夜兩傍林密未便窮追當將官兵撤回
捉訊獲犯供稱此股賊匪係黃白藍三號合夥
連男婦幼孩共四五百人並無元帥只有蒲井
冉張四個先鋒要往當陽遠安據掠今日遇見
官兵蒲先鋒帶我們來偷營不料被官兵捉住
餘無要供當將該犯等一併正法該匪被官兵

截剿之後連夜由焦贊堽向西竄去

臣

體訪情

形據供賊衆四五千人之內其兇悍矛手實有
一二千人適接提臣長齡來信已與孫清元吉
林泰合兵一路由焦贊堽跟蹤追擊得此重兵
會剿自可大挫賊鋒現據探報八卦廟燕麥嶺
老林內有賊匪藏匿晝伏夜出掠搶食物或卽
係鋸鋸嶺熊劉股匪潛竄至彼亦未可定其二

竹南山分股零匪雖人數無多一股由竹谿白
龍池竄至濫紫溝經總兵李天林督同叅將黃
定選等乘夜襲剿斃賊十餘名散出被擄男婦
八名一股由竹山麻線峪竄走經都司張冠軍
帶領兵勇截擊斃賊十餘名搶獲牛騾六頭餘
匪由石板河觀音寺有東竄化口之勢查化口
燕麥嶺均逼近房境此時西路兵勇無多不敷

分撥臣查長齡與孫清元吉林泰等既合一路

已抄截賊之東北兵力足敷剿辦前派副將蔣

觀濤孫應奉等所帶兵勇本單似可無須在東

路防堵臣已一面知會德楞泰卽將該副將等

飛調前來幫同李天林等搜剿二竹零匪並堵

截燕麥嶺北竄之賊以免顧彼失此據目下情

形而論賊勢雖聚於興歸東路較重然有德楞

泰所帶官兵聲威素著與長齡等官兵相距不遠如樊曾各逆被剿窮蹙又與蒲井冉張各逆合夥則大兵會齊夾擊更可望尅期集事臣現將軍火糧餉督率沿邊各屬不避險阻設法繞道供運可期源源接濟以利軍行上紓

聖廑均奏入

上命軍機大臣傳諭勒保曰川省餘匪屢經官兵搜

劉均有斬獲此次總兵張績張志林及達斯呼爾
岱田朝貴等分投迎擊計又殲擒賊匪四百餘名
並將偽總兵偽先鋒偽千總等擒斬多人俱係積
年老賊就此光景而論賊匪已窮蹙萬分勅保惟
當督飭鎮將等官趁此得手之時將各路藏匿餘
匪一律辦淨不可稍涉草率至摺內稱川東巫山
大寧奉節一路現無成股賊匪竄入但恐官兵在

楚省剿急難保賊匪不折竄入川等語看來此係
必有之事現在德楞泰一路已大得勝仗伊聲威
素著所有邊界游奕各匪尙有數千勢必潛匿入
川自宜預爲籌備此時川北一路旣無賊匪勒保
當酌量情形移近川東一帶駐紮督飭將備等嚴
密防守威可隨時呼應不致竄匪闖入再前此賊
數較多之時兵勇等臨陣殲賊自當隨時獎拔今

賊已零星潰敗不成股數又恐兵丁等冒功獻級
或鄉勇內將素有嫌隙之人乘機仇害則甚有關
係著勒保嚴飭帶兵鎮將及辦理堡寨各員於搜
捕之中嚴防濫殺況此時賊數不多不過摸樁劫
奪與咽喉匪無異拿獲時只當就案辦理經官訊明
正法不可令鄉勇等擅行殺戮以致波及無辜此
爲最要再湯劉一二逆前次隻身逃竄之後何以總

未據查有蹤跡偽總兵楊成等數名既據供稱均係湯思蛟股內賊目或聞該首逆奔竄地方亦未可定著勒保飭屬嚴拿一有擒獲賊匪皆當嚴切根究勿令漏網

上又命軍機大臣傳諭吳熊光曰現有蒲井冉張等股賊匪經孫清元吉林泰剿敗由焦贊堦一路向西奔竄長齡已與孫清元等合兵跟蹤追擊吳熊

光卽札催長齡等將此股賊匪上緊趕辦務將各
號積猾戰手一鼓殲擒毋令再有遁逸刻下德楞
泰與長齡兩路官兵相距不遠聲威壯盛自可將
賊匪併力殄除一有捷音卽迅速馳奏以慰廑注
再現當剿賊喫緊之際所有各路軍火糧餉吳熊
光務督飭承辦各員源源供運毋得稍有缺悞此
爲至要